

طبطب علي نفسك

طبطب على نفسك ونام

واياك تقول ..

ان الامان من روح فلان

أو ان شخص ما ..

بيهديك الحنان

أو ان قلبك ملتئم .

ما بيوجعكش

أو ان ليلك محترم ...

ما بيجرحكش

أو ان كل الناس .. عدول

إياالك تقول ..

إن الامانى قريّبة

والناس جميلة وطيبة

وان المشاكل كلها...

لاقية الحلول

إياالك تقول ..

إنه حبيبك ..حس بيك

أو انه لسه بين

أيديك

إياك تفكر ...

انه ممكن وقت عُوزة

ييجى يجرى أوام عليك

إفهم بقي ..

ليه غاوى تبقى مرمطة

والناس عليك مستعبطة

بقي كل واحد له حياة

متظبطة

مين حس بيك ؟

مين خاف عليك ؟

مين نشف الدمعة اللى ف عيونك

تبات

مين ونسك ساعة السكات

مين طمنك ... أو عشمك

يفضل معاك حتى الممات

مين ولا مين ..؟؟

مين حس بيك انك حزين ؟

مين داوى جرحك والانين

مين اللى حافظ غيرك انت

على الوداد

مين لف وياك البلاد

مين اللى داق جرح البعاد
مين اللى زود ف العناد
مين اللى طبطب ع السهاد
ماتفوق بقى ..
الدنيا مش ...متزوقة
اطلع بقى م الشرنقة
وكفاية عشت سنين آلام
اسكت خلاص
خلص الكلام
وعشان كده ...
طبطب على جرحك
ونام